



სსიპ შოთა რუსთაველის ეროვნული სამეცნიერო ფონდის გენერალური  
დირექტორის

ბრძანება № 111

2014 წლის 12 ნოემბერი

ქ. თბილისი

დოქტორანტურის საგანმანათლებლო პროგრამების საგრანტო კონკურსის გამოცხადების,  
საგრანტო პროექტების წარდგენის და განხილვის ვადების, განაცხადის ფორმების და  
თანდართული დოკუმენტაციის ნუსხის  
დამტკიცების შესახებ

„დოქტორანტურის საგანმანათლებლო პროგრამების დაფინანსების წესისა და პირობების  
დამტკიცების შესახებ“ საქართველოს განათლებისა და მეცნიერების მინისტრის 2014 წლის 30  
სექტემბრის N128/ნ ბრძანებით დამტკიცებული „დოქტორანტურის საგანმანათლებლო  
პროგრამების დაფინანსების წესი და პირობები“-ს მე-6 მუხლის პირველი პუნქტის, მე-9 მუხლის  
მე-4 პუნქტის და „საჯარო სამართლის იურიდიული პირის - შოთა რუსთაველის ეროვნული  
სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს  
განათლებისა და მეცნიერების მინისტრის 2010 წლის 28 ივლისის N62/ნ ბრძანებით  
დამტკიცებული წესდების მე-4 მუხლის მე-2 პუნქტის „ბ“, „ე“ და „თ“ ქვეპუნქტების საფუძველზე

ვბრძანებ:

1. გამოცხადდეს 2014 წლის 12 ნოემბერს დოქტორანტურის საგანმანათლებლო პროგრამების დაფინანსების კონკურსი (შემდგომში კონკურსი).
2. კონკურსში მონაწილეობისათვის დოქტორანტი პროექტს არეგისტრირებს შოთა რუსთაველის ეროვნული სამეცნიერო ფონდის (შემდგომში - ფონდი) ელექტრონულ ბაზაში. პროექტის რეგისტრაცია ხდება ფონდის ვებგვერდიდან: [www.rustaveli.org.ge](http://www.rustaveli.org.ge).
3. პროექტის ელექტრონული რეგისტრაცია შესაძლებელი იქნება 2014 წლის 1 დეკემბრიდან 21 დეკემბრის 24 სთ-მდე; კონკურსში მონაწილეობის შესახებ განცხადების ფონდში წარმოდგენის ბოლო ვადად განისაზღვროს 2014 წლის 23 დეკემბერი, 18:00 საათი;
4. პროექტი შედგენილი უნდა იქნეს სახელმწიფო ენაზე;
5. საკონკურსოდ საჭიროა შემდეგი დოკუმენტაციის წარმოდგენა:

ა) განცხადება კონკურსში მონაწილეობის შესახებ, რომელიც შეიცავს უნივერსიტეტის მხარდაჭერის წერილს, დანართი N1-ის მიხედვით (გენერირდება ფონდის ელექტრონული ბაზის მიერ პროექტის საბოლოო წარდგენის შემდეგ) ;

ბ) საპროექტო წინადადება დანართი N2-ის მიხედვით (უნდა აიტვირთოს ელექტრონულ ბაზაში, PDF ფაილის სახით) ;

გ) პირადობის დამადასტურებელი მოწმობის ასლი (უნდა აიტვირთოს ელექტრონულ ბაზაში დასკანერებული, PDF ფაილის სახით);

დ) ცნობა სწავლის ადგილიდან (უნივერსიტეტიდან, რომ იგი ჩარიცხულია ან სწავლობს დოქტორანტურის აკრედიტებულ საგანმანათლებლო პროგრამაზე) (უნდა აიტვირთოს ელექტრონულ ბაზაში დასკანერებული, PDF ფაილის სახით);

ე) დოქტორანტის წინა აკადემიური მოსწრების დამადასტურებელი დოკუმენტი (პირველი სემესტრის დოქტორანტები წარმოადგენენ მაგისტრის ან მასთან გათანაბრებული აკადემიური ხარისხის დიპლომს და ნიშნების ფურცელს (GPA-ს გაანგარიშებით), მე-2 და შემდეგი სემესტრების დოქტორანტები - წინა სემესტრების აკადემიური მოსწრების შესახებ ცნობას) უნდა აიტვირთოს ელექტრონულ ბაზაში დასკანერებული PDF ფაილის სახით;

ვ) დოქტორანტურის საგანმანათლებლო პროგრამაზე უნივერსიტეტის მიერ დადგენილი საგანმანათლებლო პროგრამის ყველა კომპონენტს შორის კრედიტების განაწილებისა და დოქტორანტის მიერ მოპოვებული კრედიტების შესახებ ინფორმაცია მეორე და შემდგომი სემესტრის დოქტორანტის მიერ პროექტის წარდგენის შემთხვევაში. (უნდა აიტვირთოს ელექტრონულ ბაზაში დასკანერებული, PDF ფაილის სახით)

ზ) ცნობა უნივერსიტეტიდან დისერტაციის ხელმძღვანელის თანამდებობის შესახებ. (უნდა აიტვირთოს ელექტრონულ ბაზაში დასკანერებული, PDF ფაილის სახით);

თ) დისერტაციის ხელმძღვანელის რეკომენდაცია დანართი 4-ის მიხედვით;

ი) ცნობა უნივერსიტეტიდან სწავლის საფასურის შესახებ; (უნდა აიტვირთოს დასკანერებული, PDF ფაილის სახით).

6. პროექტების უცხოელი ექსპერტებისათვის შეფასების შესაძლებლობის მიზნით დოქტორანტებმა ამ ბრძანების მე-5 პუნქტით გათვალისწინებულ დოკუმენტებთან ერთად ინგლისურ ენაზე ფონდში უნდა წარმოადგინონ:

ა) საპროექტო წინადადება დანართი N2-ის მიხედვით თარგმანი;

ბ) დოქტორანტის წინა აკადემიური მოსწრების დამადასტურებელი დოკუმენტი (პირველი სემესტრის დოქტორანტები წარმოადგენენ მაგისტრის ან მასთან გათანაბრებული აკადემიური ხარისხის დიპლომს და ნიშნების ფურცელს, მე-2 და შემდეგი სემესტრების დოქტორანტები - წინა სემესტრების აკადემიური მოსწრების შესახებ ცნობას) თარგმანი, უნდა აიტვირთოს ელექტრონულ ბაზაში დასკანერებული PDF ფაილის სახით;

გ) დოქტორანტურის საგანმანათლებლო პროგრამაზე უნივერსიტეტის მიერ დადგენილი საგანმანათლებლო პროგრამის ყველა კომპონენტს შორის კრედიტების განაწილებისა და დოქტორანტის მიერ მოპოვებული კრედიტების შესახებ ინფორმაცია მეორე და შემდგომი სემესტრის დოქტორანტის მიერ პროექტის წარდგენის შემთხვევაში. თარგმანი, (უნდა აიტვირთოს ელექტრონულ ბაზაში დასკანერებული, PDF ფაილის სახით)

დ) დისერტაციის ხელმძღვანელის რეკომენდაცია დანართი 4-ის მიხედვით; თარგმანი.

7. დოქტორანტს სურვილის შემთხვევაში პროექტის წარდგენისას შეუძლია ატვირთოს დამატებითი ინფორმაცია პროექტის შესახებ, კერძოდ: იმ შემთხვევაში თუ პროექტი ითვალისწინებს უცხოეთში სამეცნიერო ვიზიტს, შესაბამისი მოწვევის/თანხმობის წერილი; დოქტორანტის მიერ ოლიმპიადებზე და/ან სხვა სამეცნიერო კონკურსებში მოპოვებული ჯილდოების დამადასტურებელი დოკუმენტი; სამეცნიერო პუბლიკაციები (ჟურნალის/მონოგრაფიის სატიტულო გვერდი, სარჩევი ავტორის გვარის მითითებით,

პუბლიკაციის/ნაშრომის პირველი გვერდი); კვლევით ან პროფესიულ საქმიანობასთან დაკავშირებული სერთიფიკატი (უნდა აიტვირთოს დასკანერებული, PDF ფაილის სახით);

8. პროექტის რეგისტრაციამდე დოქტორანტს და დისერტაციის ხელმძღვანელს უნდა ჰქონდეთ გავლილი ფონდის ვებგვერდზე მეცნიერის ელექტრონული რეგისტრაცია, ქართულ და ინგლისურ ენაზე;

9. პროექტის ელექტრონული რეგისტრაციის ბოლო საფეხურია პროექტის საბოლოო წარდგენა. პროექტის საბოლოო წარდგენის შემდეგ პროექტის ატვირთული ვარიანტის რედაქტირება შეუძლებელი იქნება.

10. პროექტის საბოლოო წარდგენის შემდეგ ელექტრონული ბაზა მიანიჭებს პროექტს უნიკალურ შიფრს და დააგენერირებს დოქტორანტურის საგანმანათლებლო პროგრამების საგრანტო კონკურსში პროექტის წარმომდგენი დოქტორანტის განცხადებას კონკურსში მონაწილეობის შესახებ, რომლის ნაბეჭდი ვარიანტი სათანადო ხელმოწერებითა და ბეჭდით დამოწმებული წარმოდგენილ უნდა იქნას ფონდის კანცელარიაში.

11. დოქტორანტურის საგანმანათლებლო პროგრამების საგრანტო კონკურსში პროექტის წარმომდგენი დოქტორანტის კონკურსში მონაწილეობის შესახებ განცხადების, ფონდის კანცელარიაში წარდგენის გარეშე, პროექტი კონკურსში დარეგისტრირებულად არ ჩაითვლება, მიუხედავად ელექტრონული რეგისტრაციის დასრულებისა.

12. საგრანტო ხელშეკრულება გაფორმდება მხოლოდ აქტიური სტატუსის მქონე გამარჯვებულ დოქტორანტთან;

13. დამტკიცდეს დოქტორანტურის საგანმანათლებლო პროგრამების საგრანტო კონკურსში მონაწილეობის შესახებ განცხადების ფორმა ამ ბრძანების დანართი N1-ის შესაბამისად;

14. დამტკიცდეს დოქტორანტურის საგანმანათლებლო პროგრამების საგრანტო კონკურსის საპროექტო წინადადების ფორმა ამ ბრძანების დანართი N2-ის შესაბამისად;

15. დამტკიცდეს დოქტორანტურის საგანმანათლებლო პროგრამების საგრანტო კონკურსში პროექტის შეფასებისათვის საჭირო ექსპერტების რაოდენობა, პროექტის საბოლოო ქულის დაანგარიშების მექანიზმი და თანაბარქულიან პროექტებს შორის უპირატესის გამოსავლენად შეფასების კრიტერიუმებს შორის პრიორიტეტული კრიტერიუმები“ ამ ბრძანების დანართი N3-ის შესაბამისად;

16. დამტკიცდეს დოქტორანტურის საგანმანათლებლო პროგრამების საგრანტო კონკურსში დისერტაციის ხელმძღვანელის რეკომენდაციის ფორმა ამ ბრძანების დანართი N4-ის შესაბამისად;

17. დამტკიცდეს ფონდის მიერ გამოცხადებული დოქტორანტურის საგანმანათლებლო პროგრამების საგრანტო კონკურსის ადმინისტრირების გეგმა-გრაფიკი დანართი N5-ის შესაბამისად;

18. დამტკიცდეს ფონდის მიერ გამოცხადებული დოქტორანტურის საგანმანათლებლო პროგრამების საგრანტო კონკურსზე წარსადგენი პროექტის ბიუჯეტის ფორმა ამ ბრძანების დანართი N6-ის შესაბამისად;

18. კონკურსზე წარდგენილი საკონკურსო განაცხადების საგრანტო კონკურსის პირობებთან შესაბამისობის დადგენასა და ტექნიკური ექსპერტიზის ჩატარებისათვის შეიქმნას სამუშაო ჯგუფი შემდეგი შემადგენლობით:

ა) ზურაბ ბრაგვაძე - სსიპ შოთა რუსთაველის ეროვნული სამეცნიერო ფონდის კონსულტანტი (სამუშაო ჯგუფის ხელმძღვანელი);

ბ) ანი ჩიქოვანი - სსიპ შოთა რუსთაველის ეროვნული სამეცნიერო ფონდის სამეცნიერო პროგრამების დეპარტამენტის უფროსის მოადგილე;

გ) გელა ჯავახიშვილი - სსიპ შოთა რუსთაველის ეროვნული სამეცნიერო ფონდის კონსულტანტი კვლევებისა და უმაღლესი განათლების საკითხებში;

დ) დავით ჩიჩუა - სსიპ შოთა რუსთაველის ეროვნული სამეცნიერო ფონდის სამეცნიერო პროგრამების დეპარტამენტის მთავარი სპეციალისტი;

ე) ლევან ჭაჭია - სსიპ შოთა რუსთაველის ეროვნული სამეცნიერო ფონდის სამეცნიერო პროგრამების დეპარტამენტის მთავარი სპეციალისტი;

ვ) ვაჟა ლომიძე - ფონდის სამეცნიერო პროგრამების დეპარტამენტის მთავარი სპეციალისტი;

ზ) მარიამ იაშვილი - სსიპ შოთა რუსთაველის ეროვნული სამეცნიერო ფონდის ადმინისტრაციული და სამართლებრივი უზრუნველყოფის დეპარტამენტის უფროსის მოადგილე;

თ) მადონა გვიდიანი - ფონდის ადმინისტრაციული და სამართლებრივი უზრუნველყოფის დეპარტამენტის მთავარი სპეციალისტი;

ი) თამარ ბოკუჩავა - ფონდის ადმინისტრაციული და სამართლებრივი უზრუნველყოფის დეპარტამენტის მთავარი სპეციალისტი;

კ) მალხაზ ხოფერია - სსიპ შოთა რუსთაველის ეროვნული სამეცნიერო ფონდის ფინანსური და მატერიალური რესურსების დეპარტამენტის უფროსი;

ლ) თინათინ ლომსაძე - სსიპ შოთა რუსთაველის ეროვნული სამეცნიერო ფონდის ფინანსური და მატერიალური რესურსების დეპარტამენტის მთავარი სპეციალისტის მოვალეობის შემსრულებელი.

მ) ქეთევან ბიჩინაშვილი - ფონდის მონიტორინგის დეპარტამენტის უფროსის მოადგილე;

ნ) ვახტანგ ჩქარეული - ფონდის მონიტორინგის დეპარტამენტის მთავარი სპეციალისტი.

18. დაევალოს სსიპ შოთა რუსთაველის ეროვნული სამეცნიერო ფონდის ადმინისტრაციული და სამართლებრივი უზრუნველყოფის დეპარტამენტს წინამდებარე ბრძანების საჯარო გაცნობისათვის განთავსება ფონდის ვებ-გვერდზე: [www.rustaveli.org.ge](http://www.rustaveli.org.ge).

19. ბრძანება ძალაშია საჯაროდ გამოცხადებისთანავე.

20. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: დ. აღმაშენებლის ხეივანი მე-12 კმ. №6).

მარინე ჩიტაშვილი



დამტკიცებულია  
 სსიპ – შოთა რუსთაველის ეროვნული სამეცნიერო ფონდის გენერალური  
 დირექტორის 2014 წლის 12 ნოემბრის N 111 ბრძანებით

დოქტორანტურის საგანმანათლებლო პროგრამების საგრანტო კონკურსში მონაწილეობის  
 შესახებ

**განცხადება**

ვადასტურებთ, რომ გავეცანით „დოქტორანტურის საგანმანათლებლო პროგრამების დაფინანსების წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2014 წლის 30 სექტემბრის ბრძანებას და სსიპ შოთა რუსთაველის ეროვნული სამეცნიერო ფონდის გენერალური დირექტორის ბრძანებას და ხელმოწერით ვაცხადებთ თანხმობას კონკურსის პირობებზე. ასევე ვადასტურებთ, რომ ფონდის ელექტრონულ სისტემაში ატვირთული ინფორმაცია ზუსტია და არ შეიცავს ყალბ მონაცემებს. ვაცნობიერებთ, რომ ფონდი უფლებამოსილია, ნებისმიერ დროს გადაამოწმოს მოწოდებული ინფორმაციის სიზუსტე და რაიმე სიყალბის ან ხარვეზის აღმოჩენის შემთხვევაში მოხსნას წარმოდგენილი პროექტი დოქტორანტურის საგანმანათლებლო პროგრამების დაფინანსების საგრანტო კონკურსიდან.

- 1.პროექტის შიფრი DO/--/---/14
- 2.პროექტის სახელწოდება-----
- 3.პროექტის ბიუჯეტი (ლარი)-----

დოქტორანტის გვარი	სახელი,	სადოქტორო დასახელება	პროგრამის	ხელმოწერა

დოქტორანტის დისერტაციის ხელმძღვანელი გვარი	სახელი,	თანამდებობა	ხელმოწერა

დოქტორანტის დისერტაციის თანახელმძღვანელის სახელი, გვარი (არსებობის შემთხვევაში)	თანამდებობა	ხელმოწერა

ზემოაღნიშნულთან ერთად უნივერსიტეტი გამოხატავს დოქტორანტურის საგანმანათლებლო პროგრამების საგრანტო კონკურსში დოქტორანტის მონაწილეობის მხარდაჭერას.

უნივერსიტეტის დასახელება	უნივერსიტეტის უფლებამოსილი წარმომადგენლის სახელი, გვარი	ხელმოწერა

ბეჭედი

დოქტორანტურის საგანმანათლებლო პროგრამების საგრანტო კონკურსში წარმოსადგენი  
 საპროექტო წინადადების ფორმა

**1. პროექტის სამეცნიერო კომპონენტის აღწერა**

**1.1 საკვლევ თემატიკის მეცნიერული სიახლე და აქტუალურობა** (მოკლედ მიმოიხილეთ პროექტში დაგეგმილი კვლევა; აღწერეთ კვლევის ობიექტი და კვლევის სტრატეგია; პრობლემის კვლევის თანამედროვე მდგომარეობა, მეცნიერული სიახლე. დასაბუთება, თუ რატომ არის პროექტი მნიშვნელოვანი და აქტუალური; (არაუმეტეს 1000 სიტყვა)

**1.2 დაგეგმილი აქტივობების აღწერა** (აღწერეთ: პროექტის ძირითადი ეტაპები, შესასრულებელი ამოცანები და დაგეგმილი ღონისძიებები და შედეგები საანგარიშო პერიოდების მიხედვით) (არაუმეტეს 1000 სიტყვა)

ამოცანების ჩამონათვალი, მათი შესრულების სავარაუდო გრაფიკი და შედეგები საანგარიშო პერიოდების მიხედვით

№	ამოცანის დასახელება	ამოცანის შესრულების სავარაუდო დრო საანგარიშო პერიოდების მიხედვით	ამოცანის შედეგი საანგარიშო პერიოდების მიხედვით
1	(მაგ. ) პროექტის ირგვლივ არსებული ლიტერატურის მოძიება/შესწავლა	(მაგ., I საანგარიშო პერიოდი)	(მაგ. მოძიებული და განხილულია პროექტის ირგვლივ არსებული ლიტერატურა და წარმოდგენილია დისერტაციის შესაბამისი თავი )
2			
3			
4	(მაგ., საერთაშორისო სამეცნიერო კონფერენციაში მონაწილეობა)	(მაგ., II საანგარიშო პერიოდი )	მონაწილეობა მივიღე საერთაშორისო სამეცნიერო

		და ა.შ.	კონფერენციაში
--	--	---------	---------------

**1.3 პროექტით დაგეგმილი კვლევის მოსალოდნელი შედეგები** (აღწერეთ: პროექტის დასრულების შედეგად მოსალოდნელი ახალი ან უფრო სრულყოფილი ცოდნის მნიშვნელობა კვლევის მიმართულებისა და მომიჯნავე სფერო(ები)სათვის; (არაუმეტეს 700 სიტყვა)

**2. დოქტორანტის აკადემიური გამოცდილება**

დოქტორანტის წინა საკვალიფიკაციო ნაშრომისა და სადოქტორო პროგრამით გათვალისწინებული უკვე შესრულებული კვლევის (არსებობის შემთხვევაში) მოკლე აღწერა (არაუმეტეს 700 სიტყვა)

**3. პროექტის ბიუჯეტის ხარჯვითი ნაწილის დასაბუთება**

მოკლედ აღწერეთ და დაასაბუთეთ პროექტში დაგეგმილი შესყიდვები, მაგალითად, ელექტრონულ მონაცემთა ბაზებით და ელექტრონული ბიბლიოთეკებით სარგებლობის უფლების, სადისერტაციო კვლევისთვის საჭირო ლიტერატურის, სასწავლო და კვლევითი პროცესისათვის საჭირო კომპიუტერული და სხვა ტექნიკური საშუალებების, წარმოადგინეთ ლაბორატორიული სამუშაოებისათვის საჭირო საშუალებების/საველე სამუშაოების ხარჯების მიზანშეწონილობა, სამეცნიერო ან სასწავლო ღონისძიებაში მონაწილეობის, უცხოეთში სხვადასხვა ვიზიტის ხარჯების დასაბუთება (არაუმეტეს 700 სიტყვა).



დოქტორანტურის საგანმანათლებლო პროგრამების საგრანტო კონკურსში პროექტის შეფასებისათვის საჭირო ექსპერტების რაოდენობა, პროექტის საბოლოო ქულის დაანგარიშების მექანიზმი და თანაბარქულიან პროექტებს შორის უპირატესის გამოსავლენად შეფასების კრიტერიუმებს შორის პრიორიტეტული კრიტერიუმები

1. კონკურსის მოთხოვნებთან შესაბამისობაში მყოფი რეგისტრირებული პროექტები შესაფასებლად გადაეცემა დამოუკიდებელ ექსპერტებს. პროექტის შეფასება უნდა განახორციელოს ორმა ექსპერტმა (ერთი ადგილობრივი, ერთი უცხოელი);
2. თუ უცხოელი ექსპერტისათვის გადაცემული პროექტი დადგენილ ვადაში არ შეფასდა ან/და ექსპერტმა უარი თქვა შეფასებაზე, შესაძლებელია პროექტი შესაფასებლად გადაეგზავნოს მეორე შეფასებისთვის ადგილობრივ ექსპერტს;
3. იმ შემთხვევებში, როცა პროექტის შეფასებებს შორის განსხვავება 20 ქულაზე ნაკლებია, საბოლოო შეფასება გამოითვლება საშუალო არითმეტიკულით.
4. იმ შემთხვევებში, როცა პროექტის შეფასებებს შორის განსხვავება 20 ან მეტი ქულაა შესაფასებლად გადაეცემა ეგრეთ წოდებულ დარგობრივ პანელს.
5. დარგობრივი პანელი აფასებს პროექტს „დოქტორანტურის საგანმანათლებლო პროგრამების დაფინანსების წესისა და პირობების დამტკიცების შესახებ“ საქართველოს განათლებისა და მეცნიერების მინისტრის 2014 წლის 30 სექტემბრის N128/ნ ბრძანებით დამტკიცებული შეფასების კრიტერიუმებით და წერს შესაბამის ქულას. პანელი საბოლოო გადაწყვეტილებას ქულასთან დაკავშირებით იღებს კენჭისყრით, თანაბარი ხმების შემთხვევაში პანელის თავმჯდომარის ხმას აქვს უპირატესობა.
6. დარგობრივი პანელის მიერ დაწერილი ქულა წყვილდება უკვე არსებული ორი ქულიდან ყველაზე ახლო მყოფ ქულასთან და საბოლოო შეფასება გამოიანგარიშება საშუალო არითმეტიკულით; (მესამე ყველაზე შორს მდგომი შეფასება აღარ გამოიყენება);
7. დარგობრივი პანელები კომპლექტდება საჭიროების მიხედვით შესაფასებელი პროექტების სამეცნიერო მიმართულებების გათვალისწინებით. თითოეული პანელის შემადგენლობაში შედის არანაკლებ სამი ადგილობრივი ექსპერტი;

8. პანელის წევრებისათვის უცნობია სხვა შეფასებების შესახებ. პანელის წევრი ვერ გახდება ექსპერტი, რომლისაც უკვე მონაწილეობა აქვს მიღებული რომელიმე პროექტის შეფასებაში.
9. თუ მიღებული ორი შეფასებიდან ორივე შეფასება 70 ქულაზე ნაკლებია მიუხედავად მათ შორის 20 ქულიანი სხვაობისა, პროექტი აღარ გადაეცემა დარგობრივ პანელს შესაფასებლად.
10. თანაბარქულიანი პროექტებიდან უპირატესობის გამოსავლენად პროექტის შეფასების კრიტერიუმებს შორის უპირატესობა მიენიჭება:
  - ა) პირველ რიგში-პროექტის აკადემიური შეფასების ჯამურ ქულას;
  - ბ) მეორე რიგში-დოქტორანტის აკადემიური დონის შეფასების ჯამურ ქულას;
  - გ) მესამე რიგში-ბიუჯეტის მოცულობას (მცირე ბიუჯეტის პროექტი უპირატესია მაღალბიუჯეტის პროექტთან შედარებით);

**დისერტაციის ხელმძღვანელის რეკომენდაციის ფორმა**

*დოქტორანტის პირადი მონაცემები:*

დოქტორანტის სახელი, გვარი	
სადოქტორო პროგრამის დასახელება	

*რეკომენდატორის პირადი მონაცემები:*

სახელი, გვარი	
თანამდებობა/აკადემიური თანამდებობა, დაწესებულების მითითებით	
აკადემიური/სამეცნიერო ხარისხი	
საკონტაქტო ინფორმაცია (მისამართი, ტელეფონი, ელფოსტა)	

1. რამდენი წელია/თვეა იცნობთ დოქტორანტს და რა პროფესიული და საქმიანი ურთიერთობა გაკავშირებთ მასთან (არაუმეტეს 1000 სიტყვისა)

--

--

2. გთხოვთ, შეაფასოთ დოქტორანტი შემდეგი ნიშნების მიხედვით:

		უმაღლესი	კარგი	დამაკმაყოფილ ებელი	სუსტი
1	პროფესიული უნარ- ჩვევები				
2	სამეცნიერო პრობლემატიკაში ორიენტირების უნარი				
3	მიზანდასახულობა				
4	პასუხისმგებლობის გრძობა				
5	მოქნილი აზროვნება				
6	კომუნიკაბელურობა და პროფესიული ეთიკა				

3. გთხოვთ, განმარტოთ, რატომ აძლევთ დოქტორანტს რეკომენდაციას, დაფინანსდეს კონკურსში (არაუმეტეს 100 სიტყვისა)

--

4. გთხოვთ, დაახასიათოთ უნივერსიტეტში არსებული კვლევითი გარემო; უნივერსიტეტში არსებული მატერიალური რესურსები, რომელიც დაკავშირებულია დოქტორანტის კვლევასთან; უნივერსიტეტის გამოცდილება აღნიშნულ დარგში; აკადემიური და მატერიალური რესურსები რამდენად უწყობს ხელს დოქტორანტის კვლევის განხორციელებას. აგრეთვე, თუ პროექტში დაგეგმილია ვიზიტი სხვა სამეცნიერო ორგანიზაციაში, მოკლედ დაახასიათეთ ამ ორგანიზაციის კვლევითი პროფილი, აკადემიური გარემო, გამოცდილება აღნიშნულ სფეროში და მატერიალური რესურსები, რომელიც ხელს შეუწყობს კვლევის განხორციელებას: (არაუმეტეს 700 სიტყვისა )

5.სხვა დამატებითი ინფორმაცია (არა უმეტეს 300 სიტყვისა)

რეკომენდატორის ხელმოწერა:

თარიღი: